

文淵閣

影印

四庫全書

影印

文淵閣四庫全書

第一一五一冊

北京出版集團公司
北京出版社

本冊目次

格齋四六

宋 王子俊撰……………一

梅溪集

廷試策

奏議

宋 王十朋撰
宋 王聞詩編……………四五
宋 王聞禮……………四五

梅溪前集

梅溪後集

附有宋龍圖閣學士王公墓誌銘

香山集

宋 汪應辰撰……………六三九
宋 喻良能撰……………六三九

蒙隱集

宋 陳棣撰……………七五一

宮教集

宋 崔敦禮撰……………七七九

欽定四庫全書

集部
格齋四六

詳校官庶吉士臣翁樹培

主事臣呂雲棟覆勘

總校官知縣臣繆琪

校對官中書臣高 中

謄錄監生臣毛大瀛

欽定四庫全書

集部四

格齋四六

別集類三 宋

提要

臣等謹案格齋四六一卷宋王子俊撰子俊

字才臣吉水人官成都帥幕嘗從楊萬里周

必大游為代草牋奏書記二人延譽於朱子

朱子書格齋二大字遺之所著有史論師友

緒言三松類藁諸書俱已不傳此書原本題

欽定四庫全書

格齋四六

作格齋三松集蓋猶類藁中之一種散佚僅

存者朱彝尊曝書亭集有是書跋稱抄得宋

本格齋四六計一百二首今檢勘首數相同

當即彝尊所見之本也楊萬里嘗評子俊之

文謂史論有遼固之風古文有韓柳之則詩

句有蘇黃之味至於四六鍾六一東坡之步

武超然絕塵自汪彥章孫仲益諸公而下不

論也其推重之甚至今其他文雖已湮沒不

復見而此集所載四六類皆典雅流麗卓然自成一家朱彝尊亦謂其由中而發漸近自然無組織之迹以之接跡汪孫洵可無愧色矣乾隆四十六年三月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

格齋四六

宋 王子俊 撰

表牋

光廟登極

賀皇帝

皇天佑宋將逢揖遜之朝大人繼離益茂延洪之業華

夷胥悅天人大和

中賀

皇帝陛下聖敬日躋聰明時憲

欽定四庫全書

格齋四六

一

克勤克儉不矜夏禹之能乃聖乃神廣運唐堯之德自
毓元良之望允若神天之心屬黃屋之倦勤願青宮而
與子臣鄰環拱率百官若帝之初典禮交修輯五瑞如
器乃復於皇聲實橫絕古今臣遠守偏州親見盛美雖
莫陪朝著對揚天子之休第嘉與邦人謳歌吾君之子
賀壽皇聖帝

恭默思道乃倦於勤付託得人亟授以政再見唐虞之
相繼力行曾閔之所難中賀陛下道塞堪輿仁覃動植

退藏於密蓋與天而為徒怵惕以興寧以位而為樂世
廓廓以無事功巍巍而不居遽興周康釋冕之心且篤
長樂問安之孝允恭克讓莫匪循堯惟一執中復以命
禹蔽自九重之志光於二典之書某出守偏州獲聞盛
典曾是隆興之進士敢忘葵藿向日之心願祝聖人之
遐齡少致犬馬戀軒之意

賀太皇太后

聖子神孫本源有自盛德大業揖遜相承尊歸長樂之

欽定四庫全書

格辭四六

二

朝喜溢靈椿之蔭

中賀

竊以釐降媯汭莫逮與子之謳

思齊大任弗暨廣聲之世未有再見唐虞之相授躬行
曾閔之所難蒙冕兩朝同持壽筭車書萬國咸得懽心
振古所無於今初見太皇太后柔儀天稟陰教日隆周
南王化之基儀於四海明德大練之服燕及六宮烝哉
積善之祥啓乃重明之運以天子父來殫就養之勤惟
地執坤永載無疆之福臣叨承一障喜遇昌辰不惟嘉
與邦人同躋仁壽之域又將推廣上意益覃孝愛之風

賀皇太后

堯父舜子增光虞典之書文德武功推本思齊之聖允
極敷天之養式彰文母之尊惟聲所覃薄海如一皇太
后仰承宸極俯盡坤儀寶老氏之儉慈率先九御流闕
睢之風化追配二南當上聖之倦勤挈洪圖而與子地
無私載願豈以九州四海而自居天有常親將俾之萬
有千歲而未艾此舉之懿古人所無某屬守郡符與聞
盛事亦老吾老以陶錫類之風匪今斯今長致後天之
祝

欽定四庫全書

格辭四六

三

賀肆赦

歷數在躬溥萬年之景命雷雨作解洽四表之懽心凡
蒙一洗之恩皆圓重熙之化皇帝陛下聖由天縱德乃
日新毓德春宮恪謹文王之視膳非心黃屋適逢虞舜
之倦勤勉承不再之言嗣守無疆之歷茲茲有衆孰非
壽皇所養之民咸與為春俾沐嗣聖惟新之澤肆推曠
蕩之典以答遐邇之心恢然天地之施生鼓以風雷之

號令臣叨守下郡與宣寬恩躬遇繼離之明不私臨照
喜偕扶杖之老相與謳歌

光廟冊后

賀皇帝

日有重輪已見承堯之虞舜月無私照又符興夏之塗
山禮肅宮闈懽搖海嶽中賀陛下嗣膺大統祇奉聖謨
於問安侍膳之餘親承慈訓俾求賢審官之助正位長
秋藹然二南之風施及四方之遠臣茲焉宣化乃爾逢
欽定四庫全書
格齋四六
辰陰陽既和年穀有順成之望夫婦以正室家無愁歎
之聲

賀壽皇聖帝

已釋重負猶深燕翼之謀俾建長秋以謹齊家之法事
闕九廟懽動四方陛下宅帝倦勤順天與子嘉乃丕績
既深亮其有不爭功不爭能之心惠于宗工又欲使之
得罔時怨罔時恫之福乃涓穀旦俾正柔儀翬翟來朝
共闡聖人之孝風教所逮益隆王化之基臣出守偏州

恭承明詔家道正而天下定幸當極治之朝人倫明而
小民親是亦承流之幸

賀皇太后

天錫眉壽親見堯舜禹之傳世有徽音追配姜任如之
盛有華象服來覲慈闈皇太后母儀三朝表正九御稱
觴上壽聿來冕旒翬翟之尊含飴弄孫益介山阜岡陵
之福臣假守遠郡獲聞盛儀誦思齊之詩不謂適當於
今日祝金母之算所願不老於後天

欽定四庫全書

格齋四六

賀皇后

覩天之妹行坤順以無疆如月之恒配離明而並照事
闕宗社懽動華夷恭惟皇后陰教聿修柔儀允正大任
京室之婦惟思媚於周姜明德大練之衣以奉承於陰
后光膺寶冊董正宮闈關雎王化之基載嚴正始之道
既醉室家之壺永底太平之期臣假守偏州獲聆盛典
職當宣化忻逢人倫正朝廷治之時氣可致祥又有陰
陽和風雨時之望

重明聖節

賀皇帝 代楊待制

占長發之祥具曉天休申命之意授泰元之策殆非人力所致之符宣時載風之辰對越無疆之慶恭惟陛下聰明天縱聖敬日躋受漢岳之三呼答揚景命斂箕疇之五福敷錫庶民矧侍慈闈並受遐祉我百爾九十何啻夢齡之期心一臣三千同致後天之禱照臨所及杓蹈攸同臣身墮江湖名在簪橐望蓬萊之雲氣雖莫陪欽定四庫全書 格四六 六

賀皇帝

亦惟純佑是開震風之祥肇錫嘉名丕闡離明之照懽騰四海若出一詞陛下舜典克從禹中允執天畀所覆是以顯生商之符日宣重光矧復纂體堯之運庸紀誕彌之旦以對無疆之休臣邈在偏州與聞盛典雖莫陪邇列奉漢殿萬歲之觴第欲效小忠上唐臣千秋之錄

賀壽皇聖帝

心一臣三千願紀嘉名於盛際我百爾九十益申景命於前規時哉索震之辰展也繼離之義陛下循堯之極蹈舜倦勤綏眉壽而及皇天克昌厥後貽孫謀而燕翼子無疆惟休迨聿崇虹渚之符茲益見龍樓之慶臣與聞盛典邈在外庸錄千秋於九齡之書曾未有金鑑之作呼萬歲於兩儀之宴會當見頡利之擒

賀壽聖皇太后

渚虹啓聖光開萬世之休瓜瓞生民殊非一日之積瞻欽定四庫全書 格四六 七

言此舉厥有自來殿下應地無疆後天不老周姜思媚馴致武王之生有域方將是開相土之烈親見神孫之嗣服載光初度以錫名臣假守孤城茲逢盛旦不但喜箕疇之福敷錫庶民又將賦周頌之篇亦右文母

賀壽成皇后

重離明而麗正丕昭繼照之期履帝武而敏歆寔肇生民之福粵惟顯號侈乃昌辰若稽積慶之源休有發祥之自殿下表正九御母儀兩朝太如嗣徽音本支百世

王母坐少廣壽考萬年肆令節之紀名亶慈闈之燕喜
臣茲焉垂障乃爾逢辰雖未紀唐臣之風來上十篇之
事鑒所幸託虞帝之化以得萬國之懽心

皇子降生 代楊誠齋

賀皇帝

穹祗墮祉將延洪過歷之占弓黼應祈庸對越承祧之
任事闢九廟懽洽四方陛下靈承天心駿惠祖武民胥
嘉靖皆效華封之祝堯神無怨恫靡俟高禩之祠漢篤
生元子式應熙辰臣不謂凋年見此遐福身雖老矣子
孫與有於榮懷心寔忻然手足不知其舞蹈

賀太上皇帝

聖人退藏於密決焉與子之謀上帝申命用休祚以抱
孫之喜人胥相慶情不自勝陛下文顯丕謨湯垂後裕
巍巍蕩蕩自晦則天之功名穆穆皇皇誕啓宜君之孫
子篤生歧嶷之質益固延洪之基永孚邦休顯有祖烈
臣官縻荷橐職在祝釐無疆惟休宜但為熙朝之賀不

欽定四庫全書

格齋四六

八

顯亦世又以假後裔之靈

賀皇太后

於皇景鑠啓乃承祧之英長發靈源亶惟積善之慶仰
止無疆之壽見此滋至之休下逮遐荒舉同抃蹈 中賀
竊以有娥立子不聞宅至養於四朝明德弄孫未有閔
元嗣於五世赫是盛美曠無前聞殿下厚德鄧隆徽音
逾永備時五福坐享萬年之期寶是一慈陰格三靈之
佑肆宸嘉慶以啓元良穹是俾昌茲復見天子之子遐
齡未艾更將抱元孫之孫臣逖聞榮懷深忻舞雖奉
瑄是職乃不待高禩之祠第擊壤攸同以自慰華封之
祝

賀皇太后

天惟純佑嗣開萬世之休神罔時恫殊非一日之積贍
言以喜厥有自来懽聲所覃薄海惟一殿下柔嘉維則
淑慎其儀母慈婦順之兼隆軼於今古人心天意之叶
贊施及後來相時主鬯之懽想見抱孫之喜某官維持

欽定四庫全書

格齋四六

九

素職在祝釐無疆惟休豈但為國家之賀不顯亦世又以假子孫之靈

賀太上皇后

月無私照方助成與子之謀星有重暉乃不負美孫之願慶闕九廟福萃重親殿下應地無疆後天不老周姜思媚馴致武王之生有娥方將是開相土之烈親見神孫之岐嶷鄧隆寶祚之熾昌臣墮在山林踐修香火不恒起華封之意請祝聖人又將歌周頌之篇亦右文母

欽定四庫全書

格辭四六

十

賀皇后

坤元底順昭格三靈之休震索發祥上闕九廟之慶照臨攸暨并蹈丕同殿下外惠宗公內隆陰教神罔時怨有開熊夢之占天惟顯思於赫龜圖之福肇允元良之望寔覃岐嶷之資邦永孚於休民亦職有利臣身雖在外喜則由衷稽首漢殿之觴雖莫參於鴈綴傾耳堯門之瑞寔深激於葵心

孝宗大祥 代楊誠齋

慰皇帝

鑽燧淳經於改火尚深追慕之懷彈琴未忍於成聲勉徇祥除之制陛下皇圖是荷祖武斯繩一日萬幾率循兢業之攸訓三載四海寔均遏密之至情逮茲即吉之辰諒有無窮之感願蹈立中之制益光潤業之傳

慰太上皇帝

歲籥海更恍如過隙祥琴甫御慘不成聲勉遵改服之期未慙終身之慕聖安仁壽皇帝陛下繼文廣伐蹈舜倦勤三年稱情而立文下徇居廬之禮百官承式而稟令因決與子之謀迨此既祥之餘猶有愈遲之痛願抑情文之感式慰臣子之心

慰太皇太后

逝川汙汙悵仙遊之莫返閱日鼎鼎恍歲律之再周悵然餘恫臨此中制殿下情鍾慈極仁惻宸衷萬乘天臨緬懷法駕之致養三年電過忍聽祥琴之成聲惟深思禮制之有終以益介壽昌於未艾肆令宇縣永有母儀

欽定四庫全書

格辭四六

上

慰皇太后

望蒼梧之峯愈覺音容之遠推黃道之日再見經蹕之周尚深送往之哀勉徇存祥之制殿下性鍾地順痛切天摧錦欲衣而弗安何意亟陳於象服禪雖垂而勿樂忍聞復奏於霓裳撫綴衣而增懷感流光而永歎惟茲臣庶皆慙慈抱之少寬俾爾熾昌以相遐齡於有永

慰太上皇后

日月其除奄暨存祥之制琴瑟在御肇開遏密之音宣

欽定四庫全書

格韻四六

上三

時至情尚有餘慕殿下母儀寰宇婦順歷年佳婦佳兒永懷昔者之付託厚恩厚報忍即今茲之祥除諒深追孝之悲猶減感時之淚願體復生之節庸肩介壽之期

慰皇后

日月逾邁奄易服以存祥雨露既濡尚感時而減淚餘恫未慙寰宇玉同殿下夙謹柔儀共宏孝治三聖相授一道陰相九重之纂承四海遏密八音已畢三年之禮制願抑無窮之感以綏滋至之休

郊祀代黃竹坡

賀郊祀禮成

嚴恭自度罄丹宸之純誠緼豫為紛輯紫壇之熙事四方來賀萬福攸同協氣塞乎堪輿歡聲接乎海岳陛下聰明時憲聖敬日躋肇新萬化之原敷錫庶民之福夕烽息警人皆耒耜之毗秋稼登場家有倉箱之積載念降康之自聿嚴報本之祠多士駿奔贊丕天之鉅典千童羅舞陳昭代之彌文咸秩百神大賚四海臣久違社闕隔在西陲涓選休成幸獲再逢於盛際肅雖顯相莫繇一覩於祓容第偕扶杖之民同泳涵泉之澤

賀郊祀肆赦

歲儀吉土敬共三歲之祠肆肯端門敷錫庶民之福渙發風雷之號沛為雨露之仁凡在照臨舉同慶賴竊攷聖人之饗帝蓋承天意以惠民隲祉發祥具獲靈明之博貺赦過宥罪是覃汪濊之湛恩陛下道冒堪輿恩柔動植邇鄙不聳皆為來王來享之人年穀順成復見多

欽定四庫全書

格韻四六

上三

泰多祿之世爰對一陽之律載祗八陞之壇昭升於天
聿嚴熙事有秩斯祐燕及函生臣墮在遠方獲聞盛舉
莫陪多士執籩豆以駿奔第與遠民想笙鏞而獸舞

冊太子 代竹坡

賀冊皇太子

春宮貳極有開震索之祥寶冊揚庭庸鼓巽申之號慶
闕九廟風動四方陛下堯大難名舜恭允塞天職覆地
職載莫喻休功月重輪星重暉蓋圖大計眷乃承祧之

欽定四庫全書

格齋四六

十四

重居無在傳之勤爰涓選於剛辰俾光膺於殊禮臨軒
出令示一人有慶之符主鬯得人兆萬世無疆之福照
臨所逮頌詠惟均臣昔參綺皓之游今辱嚴徐之侍靈
源暨遠子孫與有於榮懷并悃發中手足不知其舞蹈
進書

代進光宗御集

雲漢為章莫閱寶儲之彩風雷作號俾繡金匱之藏勒
成一經昭示萬世 中謝 竊以聖人肆筆初何意於成書

天下觀文乃有功於範俗繫隆昭代邁駿先猷恭詔編
摩之臣彙列昭回之次煥然可述施及無疆恭惟光宗
皇帝學富月將聖高天縱得書之體得言之解上掩百
王如日之升如月之恒下飾萬物疇昔燕閒之御從容
翰墨之場周文郁郁乎宏育盈成之治虞書渾渾爾丕
昭精一之傳陛下聲欲廣文道能繼禹作者之謂聖敢
忘繼志述事之心得其所以書洞見經天緯地之妙肆
命臣工而纂緝載揚帝典之光華細帙縹囊寶為大訓

欽定四庫全書

格齋四六

十五

代進重修七司令

制而用之謂之法所期合古而便令變而通之存乎時
當亦舉偏而補弊立為成憲允屬昌辰肆令億兆之心
具曉畫一之意 中謝 竊以著為律疏為令要皆所以範
民作者聖述者明亦共圖於經世必揭始觀之象用陶
不倦之民以時纂修為世檢押陛下堯綱具舉舜法可

傳左規右矩前準後繩以為民極詳法畧則本數未度則有司存粵從寶歷之紹承咸仰聖謨之宏遠五服薄四海臂使指而畢從八統御萬民網在綱而不紊猶恐弊生於所忽殆將功敗於已成爰制詔於臣鄰俾科條於令甲布在方冊允釐百工鳬居鴈聚之浩繁同歸於治金科玉條之明白可舉而行勒成一代之書庸示九圍之式臣等賦材謏薄庀職凌兢繼晷窮年空玩歲月而何補奉命承教乃得聖王而為師維幸及於奏篇猶未知於免戾

欽定四庫全書

格齋四六

七

雜謝

代湖北憲謝到任

剖符起廢已愧僥踰持節觀風又叨臨遣星言于邁夙次所臨伏念臣草芥人微斗筭器小紳笏三十載何有寸功風波千萬端止欠一死曩承棘寺出守山城讒言驟興政坐過客厨傳之故公論既定復見中天日月之明方拜命於州麾忽疏榮於指使惟是重湖之外實連三

楚之區民雜蠻猺地控邊鎮渺焉蒲澤之深阻甚者潢池之繹騷自非酌寬猛之宜是必負澄清之寄有如抗拙曷稱使令茲蓋伏遇皇帝陛下蹈舜好生傳湯祝網欲妙按臨之選以將欽恤之仁謂使過賢於使功將觀後效而聽訟不如無訟何必能聲臣敢不循行郊原延見父老道上德意俾各懷自愛之心問民咸休勿使有多暴之俗

代謝賜歷日

欽定四庫全書

格齋四六

七

居鄉底日雖古人歷象之常後天奉時乃聖主彌綸之化惟時頒朔予以授民星正仲春不失省耕之序陽居大夏仰體好生之仁承流之臣撫心知幸中謝恭惟皇帝陛下循堯之道行夏之時履端歸餘上幹周天之度務農重穀下底蒸民之生肆於正歲之初嚴乃清臺之課布在方冊允釐百工臣敢不布宣寬書勸相農畝諭以上意靡容帝力之不知寬其力征抑使農時之無失

知成都謝到任

代竹坡先生黃嚳若應蜀中文字並同

掌邦教於通聯疇庸弗效殿帥藩於遠服聞命若驚亟懷綬以遐征已褰帷而涖止具以朝廷寬大之意告諸

田里愁苦之民

中謝

伏念臣一介妄庸半生艱苦饑寒

不恤姑為投牒覓舉之謀州縣徒勞不作結綬登畿之夢試邑偶逃於吏議入京遂廁於朝行歲月推延馴至上當於言責風波橫潰幾何不蹈於旣機保全迄賴於皇慈獻納晉陞於禁路奉雲陽之瑄玉莫輸許國之忠問杜曲之桑麻漸起歸田之興屬廟謨之經遠移制幕

欽定四庫全書

格爵四六

六

以改紆掖垣忽誤於出綸井絡遂從而分閭蕃錫有加於曩與察廉旁暨於鄰封仍疏次對之恩增重十連之寄寵逾深而莫報責愈重而難勝陛下天拱一堂子來萬宇不泄邇不忘遠要皆如出於京畿在知人在安民是以不輕於牧守不責催科之巧寧無悃悃之華宣時純曷蒙此臨遣顧惟四境頗異平時內而閭閻凋瘵之弊深外則羗獠招懷之道闕一龍蛇一赤子人謂斯何為保郵為繭絲策將安出豈繫綿謨所克堪任臣惟當

精白一心展布四體既庶矣加之富矣願遵洙泗之言欲安之非以勝之或收渤海之效

謝安邊所結局轉官

幣餘制用偶逃曠職之誅詔旨疏榮忽冒茂官之典寵先所逮震疊靡寧伏念臣頃汙朝行適尸言責謂迷國之渠已去死有餘辜而和戎之利復成責將安出要當取沒入之產以定為聘好之常勾稽下及於至微滲漏靡容於它罅不圖管見辱被帝俞亦令微臣忝董乃事

欽定四庫全書

格爵四六

六

迄有涓埃之補稍符糞土之言皆由聖主聽納之明是能底績至若有司出納之吝何足言勞敢圖甚恩肆陟曩典陛下馭周八柄勵舜庶明謂善至小而不遺乃能示勸賞或疑而從予所以廣恩雖去國以遐征亦陞華而下拜臣敢不推廣此意撫摩所臨節用愛人庶圖田里富足之效畫圻固守抑體廊廟招懷之心

謝宗祀禮成加封邑

合宮歲祀奉瑄莫與於駿奔溫詔疏恩錫美頓增於邑

入驟膺寵渥莫喻凌兢伏念臣奮自閭閻偶靡簪紱不稼不穡豈宜多取於禾囷是蒙是穠第欲歸安於農畝密邇一純之薦適為萬里之行不圖釐事之告成亦行會田而拜賜陛下心存寅畏德務寬仁堂秋几筵極天地鬼神而昭格恩覃四表舉輝胞翟閭而不遺肆令微臣亦叨大賚臣敢不仰銜厚施俯究愚衷因遨遊以省耕無非事者罄勤拙而盡瘁不素餐兮

謝加龍圖制因任

欽定四庫全書

格爵四六

三

分閫罔功恐坐黜幽之典出綸有命忽叨進律之除是何宜斥而反遷籍甚以榮而為懼牢辭不獲重拜靡遑伏念臣蚤竊儒科晚塵禁從民曹經幄殊深非據之慚松徃菊籬屢起歸休之夢偶值龜城之謀帥俾承芝詔以充員屬干戈甫定之餘而杆軸已空之久雖勤拙相補里閭稍稍安之然哀病交侵精力駸駸憊矣方上祝釐之請敢圖錫命之榮誤恩俄被以龍光寵秩載騰於鳳檢餘方井里已寬廷尉之誅候對松階更冠寶儲之首

陛下天臨廣宇子視遠民察知几案之小材寔維簪履之舊物雖政拙自注下考僅輸撫字之勞而賞疑所以廣恩式彰忠厚之意但臣鳩材素下鼠技已窮深虞末路之難併使前功之廢敢不益鞭其末圖謹厥終抖擻精神勿蹈虧功之戒逍遙田里終期從欲之仁

謝平蠻轉官

欽定四庫全書

格爵四六

三

反獠告平僅塞餘方之責恩綸驟至例疏進律之榮循塙莫遂於牢辭躋地不勝其隕越臣頃承異命出帥坤維封陞遠控於三邊憂責獨深於諸道稽小醜干誅之故徂積年弛備之餘爰飭所臨俾固吾圉先為不可勝蓋守臣鎮撫之常則莫我敢承亦廊廟威靈之素以至師徒之薄伐又皆將士之宣勞如臣之愚何力之有乃拜九重之睿渥使升一等之文階僥踰若斯報稱安所陛下如天覆幬若日照臨達虞舜之四聰而靡有遐遺謹周王之八柄而不容倖與察臣雖無善最或能歲計而有餘欲臣少慰窮塗是以賞疑而從予肆頒恩施以

賁衰殘臣敢不仰體隆私益圖末路龍光所逮固當更效於糜捐鼠技已窮終冀退安於閑散

謝加直學士再任

遐陬分間踐更久過於瓜期遽閣陞班申命復煩於芝檢山川如舊寵渥惟新循牆力控於忱辭出縛莫迴於成渙伏讀溫詔益震危衷伏念臣結納無奇侵尋已老入持禁橐論思莫效於嘉猷出帥藩方撫字第勤於拙政方凋瘵瘡痍之未復嗟勞徠安集之良難雖凡案篋欽定四庫全書

格齋四六

三

材或謂頗堪於煩使而蒲柳弱質其如已迫於凋年曩嘗力控於封章止願退安於閑散乃俾解裝而承乏且蒙進律以疏禁日往月來倏已復周於歲篇心勤形瘵惟憂寢蹈於官箴投誠方竊於丐歸有識咸譏其已晚敢謂竣除於寶度居然就撫於油幢深虞併廢其前功無以仰承於睿渥陛下天臨百辟器使群工欲使蠶叢魚鳧之區如在豐鎬鄠杜之側肆綏遠服重簡淵衷謂道州之考何長姑令撫字而許丞之聲不去可免送迎

宣時頽墮之蹤假此斯須之寵臣敢不恭承明命罄竭謏材老馬力疲末路分甘於伏櫪窮揀意迫歸心第切於投林

謝東宮贈金盃纈羅香茶

令出震維念屢簪之遐棄恩施晉錫旅器幣以下頒偕寶薰名焙之多假暮景窮途之寵整襟下拜刻骨靡忘伏念某飲則一瓢衣維百結身縻朱墨無心燕寢之清香夢遶家山雅意故園之雙井賜予忽來於天上芳珍欽定四庫全書

格齋四六

三

賁絕於人間妻孥羅拜以感藏父老聚觀而讚歎殿下誠存洵酌善取緇衣奉鬯陪祠休有惟馨之德問安決策居多有味之言尚憐流落之蹤首辱從游之舊爰下便蕃之貺俾為衰晚之光某惟當沉酣隆私被服嘉惠祝萬年之遐算誓將求香火之祠生兩腋之清風更冀適山林之願報將安所言莫能宣

宰相

代賀留右相正

伏審大廷渙號亞輔疏榮士勸相我國家豈輕其選王
賓諸其左右令得其人綸言一頒國勢益壯某官道隆
而德備才鉅而能全解牛十九年而殊不更刀溜雨四
十圍而曾無改節不為俗學再還慶歷嘉祐之風自結
主知早侍上清虛皇之側舍人樣生光於鵷鷺尚書履
徑上於星辰入殫論思獻納之忠出課慈惠循良之最
隨其所到休有可書朱簾捲雨畫棟飛雲盡領洪都之
勝連峯去天枯松倚壁不辭蜀道之難召諸天梯石棧

欽定四庫全書

格齋四六

三

之間參乃鈞府樞廷之貳載調元化益峻岩瞻蓋方其
左朱幡之時已繫蒼生之望迨此右臯陶之選皆歎白麻
之避風雷之號一傳天人之心交喜不動聲色固已見
歲時無易百穀用成益究設施要當使鐘簴不移廟貌
如故某寸長何有一障是乘嘉與闔境之人同囿洪鈞
之化使民安田里其孰非吾君吾相之恩政拙催科殆
必免大譴大呵之域

代賀史丞相轉光祿大夫進封魯國公

恭審孚號大廷疏榮顯渥刺經作制勒成顙靈之書昨
土苴芽庵有龜蒙之境仍稽典故典峻陟文階金章式煥
於民瞻采地增陪於邑入冊命一下懽聲四馳恭惟某
官道冒古初功存社稷洪鈞轉一氣乾坤日就於清夷
庶績撫五辰星宿亦為之明潤自贊解紃之化益隆調
鼎之勳年穀順成和氣旁行於農畝遠人咸慕夕烽不
到於邊城坐令薄海內外之人如在先朝全盛之世爰
輟東鈞之暇定為畫一之規合古便今可通行於萬世

欽定四庫全書

格齋四六

三

舉綱撮要以明示於黎元爰涓選於良辰庸微聞於黼
宸肆覃茂賞載答顯庸登進厥民在王庭俾聞播告永弼
乃后于彝憲勿替欽承嗣膺維師尚父之尊有光先正
保衡之烈某心馳恩地迹滯侯藩靈丹就而雞犬俱仙
敢萌榮望大厦成而燕雀交賀空激抃悰頌詠彌勤科
條莫既

執政

代賀王叅政

蘭